



# Kulttuuriplanista Norrbottenille 2018–2021 Popyläärivärsuuni



REGION  
NORRBOTTEN

*Pöpyläärivärsuuni*

# **Kulttuuriplanista Norrbottenille**

2018 – 2021

Tuotettu Rekiuuni Norrbottenilta

Valokuva: Anders Alm/Synk, Vilma Pimenoff, Carl-Johan Utsi, Runar Gudmundsson, Hannele Pirjo,  
Norrbottenin museo

ISBN: 978-91-984222-4-5

Painos: Lule Grafiska

Graaffinen muoto: Kristoffer Tuoma, komynikasuuniosasto Rekiuuni Norrbotteni

### *Rakas lukia,*

Sinun käessä sie piätät yhtheenveon Kulttuuriplaanista Norrbottenille 2018 - 2021, jossako met panema fuukkyksen niishiin kehitystoihiin jotka yhdessä tulevat luohmaan rekiunaalia kulttuurikehitystä Norrbottenissa. Kulttuuriplaani kuvvaa visunia, rekiunaalia fuukkystä ja toimia kunka rekiuuni yhdessä läänin kunnitten ja kulttuuriaktöörillen kansa halvaa tehä töitä kehitykselle ja yhtheistoiminalle kulttuurialuheela tulevinna vuosina.

Met olema valikoihneet ette met emmä muuta kehitystoisia jotka oon liitetty niishiin eri tekstioshiin, met olema vain vetähneet yhtheen siiheenkuuluvan tekstin. Jos sie halvaat ottaa ossaa koko tekstistä kulttuuriplaanissa elikkä refereerata sisälthöön met viittaama täyelisheen dokymenhtiin jonka sie löyät tästä: [www.norrbotten.se/kulturplan](http://www.norrbotten.se/kulturplan)

*Kristina Nilsson*

Kristina Nilsson,  
Kulttuurijohtaja  
Region Norrbotten  
Toukokuu 2018



# Innehåll

|                                                                    |    |
|--------------------------------------------------------------------|----|
| Mikäs kulttuuriplaani oon? .....                                   | 1  |
| Kulttuuripolittisia lähtökohtia. ....                              | 2  |
| Ylheisiä lähtökohtia .....                                         | 4  |
| Rekiunaali fuukkys – vahvistettu kultturelli infrastryktyyri ..... | 5  |
| Lapset ja nuoret. ....                                             | 8  |
| Kansalisia minuriteettiä ja peruskansa .....                       | 9  |
| Kulttuuri terhveytennä .....                                       | 12 |
| Kulttuuri elinkeinona .....                                        | 13 |
| Interrekiunaali ja kansanvälinen yhtheistyö .....                  | 16 |
| Arkiivi .....                                                      | 18 |
| Kirjastoja ja lukemis- ja kirjalisuuseistäviä toimintoja .....     | 19 |



|                                          |    |
|------------------------------------------|----|
| Kuva ja muoto .....                      | 21 |
| Tansi .....                              | 23 |
| Filmikultturelli toiminta .....          | 25 |
| Kotislöiti .....                         | 27 |
| Kulttuuriperintö ja kulttuurimiljö ..... | 29 |
| Museo .....                              | 32 |
| Musikki .....                            | 33 |
| Teatteri .....                           | 35 |



## Mikäs kulttuuriplaani oon?

Kulttuuriplaani kuvaa Norrbottenin visunia, rekiunaalia fuukkystä ja kehitystoimia. Se pittää yhdessä visunitten, menettelytavoitten, stratekiitten ja suuntaviivoitten kansa kunnalisella, rekiunaalila ja kansalisella tasola, lua ja ohjata rekiuunin kulttuuripoliitiikkaa. Kulttuuriplaani oon otettu esile yhtheistoiminassa kunnitten, professunellitten kulttuuriluojitten ja siviilin yhtheiskunnan kansa. Prosessi

ette ottaa esile kulttuuriplaanin oon yhtä laaja ko tärkeä. Nuin 40 dialookikokkoustu oon pietty ennen ko Kulttuuriplaani Norrbotteni 2018 -2021 saathiin tehtyksi. Ja paitti tionnoutamista se oon kansa tuottanu yhtheistä omistamista sisälöstä ja sen kehitystoimista.

## Kulttuuripolittisia lähtökohtia

Kansalisista kulttuuripolittisista päämääristä päättävät valtiopäivät. Päämääristä, suuntaviivoista ja ekonomisista raamista päättää politiikka, ko taas taitheeliset ja kvalitatiivit arvioinit jätethään taitheelisille johtajille ja asiantuntioile. Rekiuuni Norrbotteni oon kansalisitten päämäärillen perustanna hyväksynny kulttuuripolittisen suuntaviivan Norrbottenille:



” Kulttuuri oon dynaminen ja vapa voima jollako oon sanavaphaus pohjana. Norrbottenissa oon etelytyksiä taitheeliselle luomiselle joka tutkii uusia aluheita, ylittää rajoja ja tekkee näkyviksi eri aspektiä meän olemassaolosta. Tulevaisuususkola ja hyvälä ittetunnola luothaan viekotteleva lääni jollako oon laaja kulttuuritarjonta ja suuri elämisalue johonka ihmiset halvaavat tulla, johonka net halvaavat jääjä, osalistua ja tuottaa. Yhessä Norrbottenissa met luoma parriiman elämän ja parriiman terhveyven.





## Ylheisiä lähtökohtia

Riippumatta kuka sie olet elikkä missä Norrbottenissa sie asut sulla pitävät olla samat mahdollisuudet ette niin lua ko ottaa ossaa kulttuurista. Sen takia Rekiuuni Norrbotteni tietosesti ja säänölisesti tekkee töitä lisätyn saatavuuen, tasa-arvosuuen, tasavertasuuen, moninaisuuden ja inklyteerinkin eestä, muun muassa huolehtimalla ette joka toiminta jollekko myönethään tukea toimii usean vaatimuksen perustheela jokka yhdessä lissäävät saatavuutta. Esimerkiksi saattaa mainita vaatimusta päivitetyistä saatavuuspuanista ja tasavertasuusintekreeratusta työmallista tasa-arvosille päätöksille kaikissa organisasuunin toiminoissa. Yhdessä kunnitten ja kulttuuriaktööritten kansa Rekiuuni Norrbotteni tarttee analyseerata mihinkä tarttee lissää toimia.

---

### *Kehitystoimia periuutle 2018 – 2021*

- ▼ Tukea rekiunaalitten kulttuuritoiminoitten työtä tasa-arvosuudessa ja samanvertasuudessa, moninaisuudessa ja inklyteerinkikysymyksissä.
- ▼ Yhteistyössä läänitten kunnitten kansa inventeerata työtä joka liittyy saatavhaan kulttuurielämään ja alottaa ja sovittaa tarvejohattuja toimia aluheela.
- ▼ Joka institytsuuni ja organisasuuni jollako oon valtiolinen tuki pittää reviteerata esileotettuja saatavuuspuania ja lisäkehittää työtä saatavalla webilä, informasuunila saatavuudesta ja helposti korjattavista esteistä.
- ▼ Yhteistoiminassa kunnitten ja kulttuuriaktööritten kansa analyseerata missä tarttee lissää toimia ette mahdollistaa vastastulheitten inklyteerinkä.

# Rekiunaali fuukkys – vahvistettu kultturelli infrastryktyyri

Norrbottenissa tarttethaan infrastryktyyriä jossako oon toiminoita, paikkoja, miljöitä jotka oon saatavat sulle joka halvaat kokea ja lua kulttuuria. Ette yhessä kehittää kultturelliä kohtauspaikkoja oon sen takia sentraalia kulttuurin kehitykselle. Jatkuvalle vahvistetulle infrastryktyyri se oon kansa sentraalia lisätyllä ytheistoiminalla ja ytheisjärjestelyllä läänin kulttuuriinstitiysuunitten, eistävitten toiminoitten, kunnitten, föreninkielämän, professunellitten kulttuuriluojiitten, koulutusjärjestäjitten ja elinkeinoelämän välissä. Erityiset satsaukset teemavuoshiin, järjestäjäkehitykseen ja digitaliseerinkhiin oon kansa net tärkeitä vahvistetulle kultturellile infrastryktyyri. Koska monet kulttuuriplaanin kehitystoimista koskevat läänin kuntia, niin haluthaan ette Rekiuuni Norrbottenilla oon sopimukset kaikitten kunnitten kansa Norrbottenissa viimisthään 2021, mikä kansa luopii vahvempaa infrastryktyyriä kulttuurile läänissä.

## *Kehitystoimia periuutile 2018 – 2021*

- ▼ Toimia ette kaikila kunnila Norrbottenissa oon kunnallinen kulttuuriplaani.
- ▼ Ytheistoiminassa kunnitten kansa ottaa esile ehotuksia sopimuksille Rekiuuni Norrbottenin ja kunnitten välissä.
- ▼ Suunitella ja totheuttaa teemavuotta 2019 ja 2021.
- ▼ Voimakoota ja sovittaa yhteen ette käyttää maholisuuksia joitako digitaliseerinki luopii.
- ▼ Nostaa ja tehä näkyviksi järjestäjitten merkitystä kultturellile infrastryktyyri.
- ▼ Siviilin ytheiskunnan kartottamisen perustanna kehittää mallia ytheistoiminalle siviilin ytheiskunnan ja Rekiuuni Norrbottenin välissä.
- ▼ Kehittää mallia dialookile ja ytheistoiminalle kansanopetuksen kansa.





# Lapset ja nuoret

Kaikila lapsila ja nuorila pittää olla saatavuus rikhaasheen kulttuurielähmään. Sie piät saattaa lua ja kokea kulttuuria koulussa ja vapa-aikana riippumatta missä sie asut elikkä kuka sie olet. Sen takia kulttuuri lapsile ja nuorile oon priuriteerattu alue joka näkkyy siinä ette Rekiuuni Norrbottenin kulttuuri-instituusiunit ja rivi tukea ja avustusta suunathan tiolisesti lapsi- ja nuoritoiminhoin.

Läänin kulttuurikoulut oon tärkeät lapsitten ja nuoritten maholisuuksile ette itte lua kulttuuria, jossako rekiunaali yhteensovittelu saattas lua isompaa saatavuutta, jotaki minkä kansa met tehämä töitä yhdessä kouluitten kansa. Met tehämä kansa töitä nuoritten vaikutusvallan ja osalistumisen kansa kulttuurikysymyksissä Lääninnuorisoraatin (LUR) kautta jossako oon eustajia läänin kunnista. LUR:ilä oon kansa eustajia Barents Regional Youth Council:issä.



---

## *Kehitystoimia periuutile 2018 – 2021*

- ▼ Vahvistaa nuoritten osalistumista ja aktiivisti tehä töitä ette läänin kaikila 14 kunnala oon eustajia lääninnuorisoraatissa.
- ▼ Kehittää työmallia ja metutia lääninnuorisoraatile.
- ▼ Laittaa kohtaamispaikkoja ja fuurymmiä joissako nuoret saattavat vaihettaa kokemuksia ja kohata rekiunaalia päättäjiä ja jutela aktyellistä kysymyksistä.
- ▼ Tutkia maholisuuksia rekiunaalile kortinaattorille joka oon lapsile, nuorile ja kulttuurikouluile, jotako rekiuuni ja kunnat maksavat yhtheisesti.

# Kansalisia minuriteettiä ja peruskansa

Kansaliset minuriteetit ja peruskansa saamelaiset luovat ynikin kulttuurielämän Norrbottenissa. Sen takia se on tärkeää ette tukea sitä moninaisuutta kulttuurista ja minuriteettikielistä joka tuottaa Norrbottenin identiteettiä.

Rekiuuni Norrbotteni yhteistoimii useaman eustajamäärän kansa kansalisille minuriteetile ja peruskansale, jakkaa toiminta-avustusta organisasuunile jotka tekevät töitä kansalisitten minuriteetitten ja saamelaiskansan kielitten ja kulttuurin kansa ja priuriteeraavat projektiä jotka erilä laila tallehtivat moninaisuutta, haastavat normia, luovat lisättyä tietosuutta ja tuottavat taitheelista kehitystä. Läänin kulttuuri-institiysuunila on niiläki erityinen tehtävä suunattu kansalishiin minuriteethiin ja peruskansan kielhleen ja kulttuuhriin.

---

## *Kehitystoimia periuutile 2018 – 2021*

- ▼ Tehhå näkyviksi ja lisätå tiolisuutta aluheela kansalisitten minuriteetitten ja peruskansan kielistä, kulttuurista ja histuuriasta.
- ▼ Tukea kansalisitten minuriteetitten ja peruskansan kieltå kielirevitaliseerinkillå ensi siassa lapsile ja nuorile.
- ▼ Kehittää yhtheisiå kohtauspaikkoja kulttuurile ja sivilille yhtheiskunnale ette ottaa ossaa toisitten kokemuksista ja kulttuuri-ilmasuista.
- ▼ Ette Norrbotteni osana Såpmista pittå tehå töitå ette lissåå tukea ehtoja saamelaisele kulttuuriluovuuete niin silloin ko se näkkyy perintheelisisså ko uuenaikhaisissa mallissa.
- ▼ Ette tukea kansalisitten minuriteetitten kulttuuriluovuutta ja kehitystä kultturellistå ilmasuista idettiteetistå ja kielistå.





# Kulttuuri terhveytensä

Kulttuuri ja terveys rakentautuu yhteistyöstä kulttuurisektorin, terveys- ja sairaaanhoijon, huolon ja kansanterveyden välissä. Nämä yhteistyöt saattavat tuottaa lisätyyn terveyteen sulle Norrbottenissa ja antaa läänin professunellile kulttuuriluoille maholisuuon päästä uushiin koheryhmiin. Erityisen fuukkyksen pittää panna kulttuurin maholisuuksiin ette tuottaa enämpi tasa-arvosta terveyttä riippumatta missä sie asut elikkä kunka vanhaa sie olet. Rekiuuni Norrbotteni halvaa hyväksytyn stratekiin kautta kulttuurille ja terveyelle, koulutuksitten, toiminta-avustuksen ja muun tuen kautta stimyleerata kestävhiin stryktyyhriin työlle kulttuurin ja terveyden kansa organisasuunissa ja Norrbottenin kunnissa. Esimerkki semmosesta oon satsaus Kulttuuria lapsitten ja nuoritten terveyteen jossako Tansimetuti oon erityisenä osana.

## Kehitystoimia periuutile 2018 – 2021

- ▼ Vahvistaa maholisuuksia kulttuurisektorille ette kuulua kulttuuri- ja terveysyhteistyöhön.
- ▼ Syventää yhteistyötä Kansanterveyskeskuksen kansa rekiuunissa jollako oon fuukkys ette eistää lapsitten ja nuoritten terveyttä.
- ▼ Kehittää mallia tansile komplementtinä perintheeliselle hoijole ja ehkäsevässä ja terveyseistävässä tarkotuksessa.
- ▼ Vahvistaa yhteistyötä Luulajan teknisen yniversiteetin ja Tutkinto- ja innovasuuniosaston kansa Rekiuuni Norrbottenissa. Yhteistyölä pittää olla ampisuuni ette identifiteerata ja alottaa vähinhthääns yhen tutkintoprojektin kulttuuriplaaniperiuutin aikana.
- ▼ Lua mallia taitheele terveys-ja sairaaanhoijossa jollako oon fuukkys interaksuuhniin taitheen, hoijettavan ja henkilöunnan välissä.
- ▼ Kehittää yhteistoimintaa kunnitten kansa jokka aktiivisti tekevät töitä kulttuurin kansa vanheemille vanhuustenhuolon raamin sisälä.



## Kulttuuri elinkeinona

Uuet elinkeinot jotka kasuavat kulttuurellissä sektorissa oon tärkeät ette laajentaa ja monipuolistaa Norrbottenin elinkeinoelämää. Ette professunellinä kulttuuriluojana saattaa toimia ja asua Norrbottenissa luopii elinkeinoa, viekottelevia elämismiljöitä ja elämislaatu. Rekiuuni Norrbottenin tehtävä oon ette parantaa etelytyksiä professunellile kulttuuriluojile kokoamalla tietoa, kartottamalla elinkeinoja ja tekemällä töitä ristipolittisesti tukevilla toimila. Tämä näkky muun muassa työn kautta rekiunaalin akentan kansa kulttuurellile ja kreatiivile elinkeinoile, satsauksissa Resysrikeskusta taithee ja Resysrikeskusta kirjalisuuele ja puulaakile Filmpool Nord AB ja BD Pop AB jotka kaikin tukevat elinkeinoa ja elinkeinoharrastajia.

Valokuva: Carl-Johan Utsi • Jokkmökin Markkina perustethiin vuona 1605 ja oon yks mailman vanhiimista säänlöisistä markkinoista.

---

### *Kehitystoimia periutile 2018 – 2021*

- ▼ Vahvistaa kehitystä kulttuurellistä ja luovista elinkeinoista yhistämällä kulttuuria ja elinkeinoa, niin kunnalisella ko rekiunaalila tasola.
- ▼ Ottaa esile ja totheuttaa rekiunaalista toimintaplaania kulttuurellile ja luovile elinkeinoile.
- ▼ Tutkia maholisuuksia ja etelytyksiä lissäintynheeä kulttuurityrismile joka rakentautuu Norrbottenin kulttuurelhiin etelytykshiin.





Valokuva: Anders Alm/Synk • Taiteavajaiset KIN:ile, Taiteeliat Norrbottenissa juhlanäyttely Rovaniemessä ja Korundi Taitehallissa. Taiteelia Jette Andersen kertoo hänen taitheesta näyttelhyyn.

## Interrekiunaali ja kansanvälinen yhtheistyö

Rekiuuni Norrbotteni yhtheistoimii muitten maitten, läänitten ja rekiuunitten kansa. Aktiivin osanottamisen kautta Barents Euro Arctic Council:issä ja ryhmässä Joint Working Group on Culture, kaveripaikkasopimuksessa Troms fylken kansa, jäsenyyelä Assembly of European Regions ja satsauksissa resitensitoiminthaan, luothaan virtaus inflyensistä, joka vastustaa jeukraaffista periferiitä. Yhtheistyö neljän pohjosiiman läänin välissä oon tärkeätä ja tapahtuu yhtä luonolisesti ko säänölisesti kaikila taitealuheila, vissilä painola seenitaitealuheele, museo-, kirjasto- ja konsylenttiyhtheistoiminnalle. Yhtheensä tämä luopii lissää liikkuvaisuutta, kokemuksen- ja tuotanonvaihteluja ja yhtheisiä satsauksia ette vahvistaa professunellia kulttuuriluoja Norrbottenissa.



---

### *Kehitystoimia periuutile 2018 – 2021*

- ▼ Jatkaa kehittämhään interrekiunaalia yhtheistoimintaa neljän pohjosläänin välissä.
- ▼ Ylläpittää ja kehittää yhtheistoimintaa Baarentsialuheela.
- ▼ Vahvistaa vaihtelua maitten välissä Euroopassa/EU:ssä.



# Arkiivi

Arkivit Norrbottenissa sisältävät tekstiä, kuvia, filmiä, ääniä ja esihneitä jotka oon tärkeitä ette käsittää kunka meän yhtheiskunta oon kehittyyny aijan yli. Paitti Norrbottenin museon arkiivi, Norrbottenin Föreninkiarkiivi ja tunturi- ja saamemuseon Ájttén arkiivi oon arkiiviä Lääninhallituksella Norrbottenissa, Rekiuuni Norrbottenilla ja läänin neljässätoistassa kunnassa.

Koska arkiivit oon julkisia se oon ittesthään selvää ette sie kansalaisena piät saattaa hakea informasuunia, niin paikan päälä ko digitaalisti. Digitaliseerinkityö ja pedakookiset satsaukset joitako arkiivit tekevät oon sen takia sentraalia arkiivitten työle ette säilyttää ja tehä saataviksi tietoa.

---

## *Kehitystoimia periuutile 2018 – 2021*

- ▼ Jatkaa työtä digitaliseerinkin kansa ja ette tehä saataviksi arkiivitten ja kuva-arkiivitten kokoelmia.
- ▼ Tehä näkyviksi arkiivitten kokoelmia eri koheryhmile ja panna fuukkys saatavuuele, samanvertasuuele, tasa-arvole ja moninaisuuele.
- ▼ Informasuuni- ja kehitystyön kautta yleisölle laittaa suurempaa osalistumista ja levittämistä arkiivimateriaalista.
- ▼ Lisätä pedakookisia ja muita välitystoimia mitä koskee läänin arkiivitoimintoja ette saaja uusia ryhmiä, olletikki lapsia ja nuoria perus- ja jymnaasiakouluissa.
- ▼ Vahvistaa arkiivitten rollia koulutusresyrsinä ja tietopaikkana tutkiayhtheiskuntaa vasten.
- ▼ Kehittää mallia yhtheistoiminnalle arkiivitten välissä rekiuunissa.



## Kirjastoja ja lukemis- ja kirjallisuuseistäviä toimintoja

Ette vahvistaa lukemista ja kirjottamista Rekiuuni Norrbotteni toimii niin Rekiuunikirjasto Norrbottenin ko Resyrsikeskustan kautta Kirjallisuue Norrbottenissa. Rekiuunikirjasto Norrbotteni tekkee töitä kirjastokehityksen, lukemis- ja kirjoituseistävyyn kansa ja resyrsinä kunnalisille kansankirjastoile, ko taas Resyrsikeskusta kirjallisuuele fukyseeraa kirjallisuutheen taitemallina ja kirjalliasuutheen elinkeinona jossako aktyelliä kysymyksiä niinku ulosantaminen kirjallisuuesta, e-kirjat ja markkinointi nostethaan. Toiminat tekevät yhtheistyötä kansankirjastoitten kansa läänissä ette eistää kirjallisuutta, kirjottamista ja kansalisitten minuriteetitten ja peruskansan kieliä, kaikkia ette sie Norrbottenilaisena saat kohata niin paljon kirjallisuutta ko maholista.

Valokuva: Hannele Pirjo \* Kirjoja suomeksi.

---

### *Kehitystoimia periutule 2018 – 2021 Rekiuunikirjasto*

- ▼ Tehä työtä samankaltaselle saatavuule kirjastopalveluista johtamalla ja kehittämällä organisasuunia Kirjastot Norrbottenissa ja olla matkassa kansalisissa verkostoissa ja ytheistöissä.
- ▼ Tukea kansankirjastoitten työtä ette kehittää lukemiseistävvää ja kirjaisuusvälittävvää työtä jollako oon erityinen fuukkys priuriteerathuin koheryhmiin kirjastolaissa.
- ▼ Kehittää ytheistyötä Resysikeskustan kansa kirjaisuuele kirjaisuuseistävistä toimista ja digitaalisista ratkasuista jossako kirjaisuus ja kirjailiasuus läänistä tehään näkyviksi.
- ▼ Tukea kunnitten työtä ette kehittää kirjastohuonetta aukenhaiseksi ja saatavaksi paikaksi.
- ▼ Toimitten kautta tehä työtä ette saamenkieli, kansaiset minuriteettikielet ja muut kielet läänissä priuriteerathan ja tehään näkyviksi kirjastoitten tarjonassa meetioista ja palveluista.
- ▼ Olla matkassa työssä kansalisen digitaalisen tionnoston eestä ja tukea kansankirjastoitten työtä ette lisätä henkilökunnan tietosuutta digitaalisista meetioista, informasuunista ja tekniikasta.

- ▼ Tehä työtä kestävän kehityksen eestä Polarbibblo.se:le digitaalina resysrinä lapsitten ja nuoritten oikeutheen ette saaja ilmasta itteä kulturellisesti.
- ▼ Jakkaa tietosuutta kvaliteettityöstä professunelliin kirjastotoiminan eestä kunnista.
- ▼ Jatkaa ytheistointaa rekiunaalitten kirjastotoiminoitten kansa Västerbottenissa, Västernorrlandissa ja Jämtland, Härjetaalissa valituista stratekisistä aluheista.

---

### *Kehitystoimia periutule 2018 – 2021 Resysikeskusta kirjaisuuele*

- ▼ Kehittää kirjaisuutta taitemuotona ja vahvistaa rekiunaalia kirjailista infrastryktyyriä.
- ▼ Tehä näkyviksi ja maholistaa enämpi kirjaisuutta Norrbottenista kansalisilla minuriteettikielilä ja peruskansankielelä.
- ▼ Kehittää ytheistyötä Rekiuunikirjasto Norrbottenin kansa, jossako fuukkys oon kirjaisuuseistävät toimit ja digitaalit ratkasut jossako kirjaisuutta ja kirjailiasuutta läänistä tehään näkyviksi.
- ▼ Jatkuva fuukkys aluheele e-kirjat ja digitaliseerinki.
- ▼ Kehittää neuvonantamista omajulkasusta.

# Kuva ja muoto

Taite-elämää Norrbottenissa luothaan monelta toiminalta ja aktööritä jotka yhdessä rakentavat sitä infrastruktuuria joka myötävaikuttaa rikkaan taite-elämän kehitykseen josta se joka asut elikkä vieraillet Norrbottenissa saatat kokea. Rekiuuni Norrbotteni tukkee tärkeilä naavila, niinku läänintaitemuseolla Taitemuseo Pohjosessa ja läänitaitehallila Haavremakasiini Puutissa, mutta kansa toiminta-avustuksen ja projektituen kautta jotka oon suunnattu kuva- ja muototaitealuheeseen ja sisäleostamisheen norrbottenilaisesta taitheesta Rekiuuni Norrbottenin julkisiin miljöihin.

Taitealuetta tuetaan kansa taitekonsylentin eistävällä työlä ja Resyrsikeskustan kautta taitheele, jonka päätarkotus oon ette tehä töitä ette vahvistaa kuva- ja muototaiteeliotten työmarkkinna Norrbottenissa.

---

## *Kehitystoimia periuutle 2018 – 2021*

- ▼ Toimia paremalle saatavuuele digitaalisitten meetiotien kautta ja vahvistaa pedakookista toimintaa institysuuniten sisälä ja ulkopuolela.

- ▼ Panna käynthiin työn taitheelisitten muotoiluitten kansa julkisessa huohneessa. Toimia ette yhenprosentinsääntöä nouvatethaan koko läänissä.
- ▼ Toimia ette tullee useampia kuva- ja muototaiteeliotta kouluun Luova koulu-projektin kautta ja tuen kautta toimioile jotka kiinnostavat taiteinnostunheita nuoria.
- ▼ Vahvistaa ammatissaolevia kuva- ja muototaiteeliotta tehtävävälityksen kautta, useamilla näyttelymahollisuusilla ja jatkokoulutustoimitten kautta.
- ▼ Inklyteerata uusia kuva- ja muototaiteeliotta läänissä toimitten kautta etapleerinkille ja verkostonrakentamiselle.
- ▼ Yhtheistoimia kaikitten aktööritten kansa taitealuheela ette vahvistaa infrastruktuuria ja rohkasta uusia aloiteita, esimerkiksi resitensitoimintaa, intekrasuunitöitä ja järjestäjäsyöttä.
- ▼ Ottaa esile toimintaplaanin kuva -ja muototaluheele yhtheistoiminassa professunellitten kulttuuriluojoitten ja muitten aktööritten kansa.





## Tansi

Norrbottenissa sie saatat niin kokea ko harrastaa tansia, tansikonsylentittin eistävän työn ja Tansi Pohjosen tuotanoitten kautta. Yhessä läänin tansikoulutuksitten kansa luothaan infrastryktyyriä joitako eri tavoila tarttee kehittää ja vahvistaa. Rekiuuni Norrbotteni tekkee sen takia töitä stratekisesti tansin kehityksen kansa rekiunaalin tansiraatin kautta. Yhtheisesti otethaan toimintaplaani esile pitkänaijan kehitykselle tansista, mikä pittää vahvistaa infrastryktyyriä ja parantaa ehtoja professunellile tansarille ette asua ja toimia Norrbottenissa. Tansisalia jokpäiväselle trääninkille ja harjottelulle ja seeniä näyttelyile oon tärkeitä, niinku kehitys pypliikki- ja järjestäjätyöstä ette useamat saatavat saaja tansia.

---

### *Kehitystoimia periutile 2018 – 2021*

- ▼ Kehittää yhtheistoimintaa rekiunaalitten aktöörillen välissä tansialuheela rekiunaalin tansiraatin raamin sisälä ja toimintaplaanissa antaa ehotuksisa tansin kehitykselle Norrbottenissa.
- ▼ Kehittää professunellin tansin infrastryktyyriä.
- ▼ Laittaa tansiresitensiä useamphaan kunthaan.
- ▼ Toimia ette kaikki kulttuurikoulut läänissä pitävät saattaa tarjota tansia.
- ▼ Lisätä määrää professunelliä tansinäyttelyjä Norrbottenin kunnissa.





Valokuva: Anders Alm/Synk • Siälepellaus filmistä jälkhiin Åsa Larssonin rumanin Rebecka Martinssonista

## Filmikultturelli toiminta

Filmi Norrbottenissa oon ala ja elinkeino, kulttuuri-ilmasu, taitealue ja pedagoginen työkalu jotako organiseerathan Film pool Nord AB:n kautta. Päämäärä oon ette nostaa intoa ette tehä ja kattoo filmiä riippumatta jos se oon pedagoginen työkalu sulle koulussa, työkalu integrasuunityössä elikkä kulttuurikokemuksena sulle joka käyt piukraaffissa. Tarjonta lyhy- ja dokumentäärifilmistä, tv-sarjoista ja pelifilmistä jotka oon tuotettu ja pelattu sisäle läänissä oon suuri ja pittää jatkua lissäintymhään tiolisilla satsauksilla muun muassa rekiunaahliin, kansalishiin ja kansanvälishiin yhtheistöihin ja verkosthoin ja filmifästivaalitten kautta.

### *Kehitystoimia periuutle 2018 – 2021*

- ▼ Kohata ja ottaa taltheen sitä suurta innostusta filmile ja liikkuvale kuvale työkaluna intekrasuunityössä, etusiassa lapsile ja nuorile.
- ▼ Tehhä saatavaksi norrbottenintuotettua ja rahotettua filmiä läänin filmi-innokhaale pypliikile digitaal in plattformin kautta.
- ▼ Säilyttää ja vahvistaa yhtheistoimintaa Norrbottenin ja Västerbottenin filmialuheela ja sen kautta laittaa yhtheisen filmiseenin Pohjosnorrlandissa.
- ▼ Tehhä töitä filmin kansa lapsile ja nuorile ette tukea filmi-intoa ja alan pitkänaikasta kehitystä.




# Kotislöiti

Slöiti oon osa meän kulttuuriperinöstä. Ette lua käsilä ja tehä elikkä korjata esihneitä enerkiisäästävillä tekniikoila oon merkitys kestäväle Norrbottenille. Rekiuuni Norrbottenin kotislöitikonstentit tekevät töitä ette eistää, uuistaa ja kehittää slöitiä niin taitemuotona ko kulttuuri-ilmasunna ja elinkeinona. Net tekevät kansa töitä slöitin eestä satsauksissa ette integrasuuni lissäinty, ette nuoret osalistuvat muun muassa kulttuurikouluitten kautta ja osana Rekiuuni Norrbottenin työn kautta kulttuurille ja terhevyyelle. Kotislöitikonstenttitten verkosto luopii yhtheistoimintaa monitten aktööritten kansa niin paikalisesti, rekiunaalisti, kansalisesti ko kansanvälisesti. Norrbottenissa oon kansa Saameslöitisäätiö “Sámi Duodji” joka eistää saamelaista slöitiperintöä ja sen kehitystä.

---

## *Kehitystoimia periuutile 2018 – 2021*

- ▼ Toimia ette saahaan lissää paikkoja ympäri Norrbottenia jossako oon tillaa slöitile ja tekemiselle.
- ▼ Kehittää muotoja ette tehä näkyväksi slöitin paikkaa nykyaijassa, lähtökohtana uuet ilmasut ja käen tietoperintö.
- ▼ Tehä töitä ette tukea lapsitten ja nuoritten maholisuuksia ette harrastaa eri slöititekniikkoja muun muassa tukemalla slöitin pääsyä kulttuurikouluun.
- ▼ Enämpi fuukkystä slöitin yhtheytheen kestävhään kehityksheen.
- ▼ Kehittää slöitiä työkaluna terhevyyelle.



# Kulttuuriperintö ja kulttuurimiljö

Meän kulttuuriperintöön kuuluvat perintheet, kielet, taitteelliset teokset, historialliset jäänökset, arki- ja esinekeruut ja kulttuurimiljö ja kulttuurimaisemat. Norrbottenin kulttuuriperintö on yhtä rikas kuin monisävyinen jossakin kulttuurimiljö Laponia, Struven meritaani- ja Gammelstadin kirkonkylä on kolme Ruottin viestitoista mailmanperintöistä. Norrbottenin eestä lääninhallituksella on kokonaisvaltaisen päävastuu kulttuurimiljöistä ja museot läänissä on tärkeitä aktiivista ko on kyse välityksestä, tonttokoamisesta, tonttarentamisesta ja tutkinnosta kulttuuriperinnöstä ja neuvonantamisesta kysymyksissä ko on kyse säilyttämisestä, kehityksestä ja hoijosta läänin kulttuurimiljöistä.

## *Kehitystoimia perintöille 2018 – 2021*

- ▼ Kehittää rekiuunin kulttuurimiljöverkoston yhteistoiminnalle, kortinasuunille ja dialoogille.
- ▼ Karttaminen olevista yhteistoimintamuotoista ette selvittää rollit ja kunka kulttuurimiljöhoijon aktiivit saattavat tukea toisia ette saavuttaa parhaimman tuloksen.
- ▼ Antaa tukea läänin kunnille heän kulttuurimiljötyössä ja työssä ette ottaa esille aktiivista kulttuurimiljötoimia yhteiskuntaplaneerinnalle.
- ▼ Yhteistoimintaa ette moninaisuus läänin kulttuurimiljöissä nostetaan esille, lisättylle osallistumiselle kulttuurimiljöitten ympäri yhteisenä paikkana tole ja dialoogille.
- ▼ Yhteistoimintaa ette säilyttää, käyttää ja kehittää kulttuurimiljöitä resursina kestäväälle kehitykselle ja kasvannille läänissä.
- ▼ Toimia teemavuele Kulttuuriperintö 2019.
- ▼ Karttaminen ja näkyväsitekeminen museoista ja kulttuurimiljöistä Norrbottenissa.





# Museo

Norrbottenissa on monta museota ja museomiljöitä jotka säilyttävät ja elävöitsyvät kulttuuriperintöä sulle joka vieraillet elikkä joka asut Norrbottenissa. Läänin oma museo, Norrbottenin museo, tekee muun muassa töitä arkeolokiin, kokoelmitten ja arkiivitten, museopedagogiikan, slöiti- ja taitehistorian, näyttelyohjelmitten ja muun pyliikin toiminnan kanssa. Rekiuuni Norrbottenin tukkee paitti Norrbottenin museota kansa Ájttea, Ruottalaista tunturi- ja saamemuseota, Hopeamuseota ja Puolustusmuseota Puutissa. Paitti kunnallisia museoita: Jällivaaran museo, Piitimen museo, Ulkoilmamuseo Hägnan ja Tornionlaakson museo on iso määrä pienempiä paikkakuntamuseoita. Yhessä museot luovat tietosillan nykyajan, historian ja tulevaisuuden välissä ja ne on sen takia yhteiskunnan pitkäaikaismuisto.

## Kehitystoimia periuutilla 2018 – 2021

- ▼ Toimia ette laajentaa Norrbottenin museon jatkuvaa yhteistoimintaa kulttuuriperintösektorin, tietheelisitten institysuunnitten, rekiuunnitten, kunnitten, elinkeilöelämän ja siviilyyhteiskunnan kanssa.
- ▼ Valmistaa Norrbottenin museon uuden fleksiipelin päänäyttelyn Saman taitvaan alla. Jatkokehitys Norrbottenin museoitten tutkimusyhteistyöstä ja tutkimusvälityksestä.
- ▼ Lissäntynyttä yhteistoimintaa lääninmuseo-organisatuuunnitten kesken pohjosläänissä.
- ▼ Toimia ette tehä Norrbottenin kulttuuriperintön enämpi saatavaksi ja vikkottelevaksi rekiuunin asukhaile ja rekiunaalile käyntielinkeinole.
- ▼ Lisätä digitaalisitten tekniikitten käyttämistä tionevälitykselle ja komynikasuunille.
- ▼ Toimia teemavuele Kulttuuriperintö 2019.
- ▼ Kartotusta ja näkyvösitekemistä museoitten kulttuurimiljöistä Norrbottenissa.

# Musikki

Norrbottenilla on rikas ja vaihteleva musikkielämä jossako on etableerattu infrastruktuuri niin sulle amatöörinä ko professunellinä muusikkona, sulle joka halvaat musikkikoulutuksen ja sulle joka halvaat kuunella. Norrbotteninmusikki on Rekiuuni Norrbottenin kulttuuri-instituutunina läänin suuriin työnantaja professunellile muusikoile ja tarjoa professunellin seenitaitheen missä on vaihteleva tarjonta lapsile, nuorile ja täysile säännöllisitten tyrneitten kautta läänin johkaisessa kunnassa. Norrbottenissa on kansa BD Pop AB, jonka tehtävä on ette olla elinkeinotukena norrbottenilaisile artistile ja musikkituotanoile.

Ette koko Norrbotteni sais kaikenlaista musikkia konsäärijärjestäjät ja frilansimuusikot on auvainpeluria joitako tarttee vahvistaa.

---

## *Kehitystoimia periuutile 2018 – 2021*

- ▼ Koulutustoimitten kautta tukea, vahvistaa ja kehittää konsäärijärjestäjiä ja sen kautta toimia järjestäjäluheen nuorentamiselle.
- ▼ Verkoston kautta musikki-instituutunile pohjosläänissä syventää interrekiunaalia yhtheistöitä tarkotuksessa ette vahvistaa tyrneetoimintaa ja laittaa yhtheisiä tuotantoja kaikile koheryhmile ja tehä vasittua satsausta tuotanthoin ja toiminthoin lapsile ja nuorile.
- ▼ Vahvistaa kansalisia ja kansanvälisiä kehitys- ja yhtheistyömaholisuuksia Norrbotteninmusikin ensampleile; Norrbotten Big Band ja Norrbotten NEO joilako on erityinen fuukkys Baarentsialuheel.
- ▼ Tutkia maholisuuksia ette yhtheistoiminan kautta koulutusjärjestäjitten, kulttuurikouluitten, Norrbotteninmusikin ja rekiuunin kansa vahvistaa infrastruktuuria kansan- ja mailmanmusikkialuheel.
- ▼ Laittaa maholisuuksia läänin frilansimuusikoile verkostomiseen kysymyksissä jossako projektikehitystä ja entreprenöörisyttä nostethaan.





## Teatteri

Norrbottenissa sie saatat niin nähhä, kuula ja tehä teatteria. Läänin omala teatterilla, Norrbotteninteatterilla, oon tehtävännä ette tarjota professunelliä ja korkealaatusta seenitaitetta vaihtelevalla tarjonalla lapsile, nuorile ja täysile. 2018 lähtien Nuori Seeni Pohjosessa oon osa teatterin toiminasta jossako sie nuorena saatat olla osana. Norrbottenissa oon kansa usseita kulttuurikouluja joilako oon teatteria/traamaa heän tarjonassa ja Luulajan Teknisellä Yniversiteetilä oon yks maan näytteliäkoulutuksista. Rekiuuni Norrbotteni tukkee kansa Tornionlaaksonteatteria, Giron sámi teáhteria, Lule Stassteatteria, Teatteri Scratchia, teatteri Milaa ja Riikinteatteri Norrbottenia jotka yhdessä paikalisitten amatööriteatteriföreninkitten kansa luovat laajaa ja hyvinankkuroittua tarjontaa koko Norrbottenissa.

---

### *Kehitystoimia periuutiele 2018 – 2021*

- ▼ Vakkiinuttaa ja kehittää Nuori seeni Pohjonen uusista etelytyksistä lähtien.
- ▼ Toimia lissäintynheelee interkyltlytrellile yhtheistyöle pohjosläänitten teatteritoiminoitten kesken.
- ▼ Syventää Norrbotteninteatterin lääninsitoutumista joko tyrneetoiminan kautta joko muitten aktiviteetitten kautta läänissä.
- ▼ Toimia lissäintynheelee yhtheistoiminnalle Norrbotteninteatterin ja professunellin tansialuheen kesken.
- ▼ Tutkia innostusta ja muotoja ohjaustukheen läänin amatööriföreninkille.
- ▼ Kehittää yhtheisiä kohtauspaikkoja toiminoile ja organisasuunile tarkotuksessa ette tukea teatterialuetta tion- ja kokemusvaihetteluitten kautta.
- ▼ Tukea Giron sámi teáhter ette tehä esitutkinon saamelaisesta kansalisseenistä.



[norrbotten.se/kultur](http://norrbotten.se/kultur)